

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1884 del 24/06/2026

En Kamaovrunt, a dorf va Garait, pet de stimm ont de gaig nemmen bider lem de gschichtn van auskennmentsch as s Bersntol derzelt hòt

“Šebesta ont s Bersntol”: af de 26 va prochet der zboate trèff pet de lesn en gadònk va Giuseppe Šebesta

[Mòcheno] S geat envir der ring va lesn gamòcht ver za viarn zòmm de austell “Zbischn mito on birklechkait. Giuseppe Šebesta ont s Bersntol”, as men finz af de 4 van schanmikeal 2026 pasuachen mu. No en u’vong va de 12 van prochet kan Filzerhof va Vlarotz, de naikait geat envir en vraita af de 26 van prochet 2026, um 20:30, kan parkplòtz va Kamaovrunt, en de Gamoa’ va Garait. De stickler barn vourstellt kemmen va Elena Festi, schauspilerin, ont Jacopo Zendri, gaiger, as zòmm stimm un musik gem barn en de saitn va Giuseppe Šebesta, der auskennmentsch ont fotografer as pet de sai’ òrbet hòt praich ont materialkultur va de bersntoler gamoa’schòft dokumentiart, ont asou der hòt gaholven za paun s imaginer - zbischn mito ont birklechkait - van Bersntol.

De lesn, tschbunen abia normal gòng van austellring, gem en publikum de gschicht sait va de untersuach va Šebesta, en an klòffen zbischn bourt ont musik as runt schea’ ist ver a mol ausbende, en hèrz va oa’n van lender van tol.

Bail en mol bart plòtz gem kemmen en de bersntoler sprochen, pet de lesn af bersntolerisch va oa’n van gschichtn tschrim va Šebesta ont ibersetzt van don Jackl, an pfòff va Vlarotz as oa’n van earstn gaben ist za studiarn de sprochen, ont va de Rosa Corn van Raich, oa’na van bichtestn lait as nochrictn gem hòt ver de òrbet van etnograf en tol.

Der trèff en Kamaovrunt ist der zboate van an klender as envirgea’ bart en de summermu’netn ont finz en herbest, asou za viarn de lait keing en sperr va de austell:

- 10 van heibege 2026, um 20:30 - Plòtz van Lenzer, Palai en Bersntol
- 24 van heibeger 2026, um 20:30 - Archeologeschn plòtz Acqua Fredda, Passo redbus, pet pasuach en archeologesche sitz en zòmmòrbet pet de Leardinstn van Omt ver de archeologesche pahalter van Ouberregiar ver de kultural pahalter va de Autonome Provinz va Trea’t
- 4 van lestagest 2026, um 20:30 - Museum Pietra Viva, Schandurschl, en zòmmòrbet pet en Museum Pietra Viva

De naikait ist envirtrung van Bersntoler Kulturinstitut pet en unterstutz va de Autonome Region Trentin-Sudtirol. Der inntritt ist vrai.

Ibersetz gamòcht van Sprochtirl va de Tolgamoaschòft Hoa Valzegu’ ont Bersntol

(cdt)